

Inatsisartut suleriaasianni § 37, imm. 1 naapertorlugu Naalackersuisunut apeqquut imaattoq matumuuna saqqummiuppara:

**Naalackersuisunut apeqquutit:**

1. Naalackersuisut uppersarsinnaavaat sungiusarnej Arctic Endurance aallaqqaammut qallunaat siuttuliullugit sakkutuunik nunat NATO-mut ilaasut peqatigalugit sungiusaqatigiinnerattut aallarteqqaarsimasoq, kingornalu NATO-p Issittumi alapernaarsuineranut (Arctic Sentry) ilanngunneqarsimasoq?
2. NATO-p sinaakkutissai erseqqissut suli saqqummiunneqanngitsut sooq Naalackersuisut Danmarkip siulersuineratigut nunallu NATO-mut ilaasortaasut peqatigalugit Kalaallit Nunaanni sakkutooqarnerulernissaq akuerisimavaat?
3. Naalackersuisut isumaqarpat Danmarkip NATO-mut ilaasortat Kalaallit Nunaanni sakkutooqarnissamut qaaqqummagit, tamanna NATO-p iluani pinersoq qulakkeertinnagu, naleqqulluartuusoq?
4. Naalackersuisut nalilerpaat Danmarkip siulersuineratigut NATO-p sinaakkutissaasa avataani nunanik NATO-mut ilaasortaasunik aalajangersimasunik sakkutooqarnerulerneq akerleriinnermik annertusisitsisinnanersoq, ingammik USA aamma NATO-mut ilaasortaammat?
5. Naalackersuisut danskit naalackersuisuinut nassuiaaqqullugu qinnuteqarsimappat sooq aallaqqaammulli NATO-p siulersuineratigut erseqqissumik aqqissuussaasumillu iliuseqartoqarsimannginneranik?
6. Nunat sorliit Danmarkip Kalaallit Nunaannut qaaqquisimanerai, taakkualu sakkutuunik, timmisartunik, umiarsuarnik allatigulluunniit ikiuiniarlutik aallartitsinnatik Naalackersuisunut ilisimatitsissutigineqartarsimappat?
7. Naalackersuisut ilisimatitsissutigisinnaavaat nunat allamiut sakkutuuisa Kalaallit Nunaanniissinnaanerat akuerisinnaanarlugu akuerineqarsinnaannginnerorluunniit, imaluunniit qallunaat aalajangiinerisa kingorna aatsaat Naalackersuisunut nalunaarutigineqartarsimava?"
8. Arctic Endurance NATO-p Issittumi alapernaarsuiffianut (Arctic Sentry) ilanngutinnagu nunanit allanit Kalaallit Nunaanni sakkutooqarnermut tunngatillugu ikiuuttartut qanoq naalackersuisoqarsimanersut Naalackersuisut ilisimatitsissutigisinnaavaat?
9. Naalackersuisut isumaqarpat Kalaallit Nunaata isumannaatsuunissaa NATO-p ataatsimut sinaakkutissai atorlugit isumagineqartariaqartoq, imaluunniit isumaqarpat Danmarkip NATO-mit avissaaqqalluni Kalaallit Nunaanni immikkut sakkutooqarnikkut suleqatigiittoqarsinnaasoq?

10. Arctic Endurance-mi qallunaat NATO-mut suleqataasut siuttuuffigalugit aallartinnerani kingornalu NATO-p Issittumi alapernaarsuiffianut (Arctic Sentry) ilaalermat Naalackersuisut isumannaallisaanermut politikiminnik allannguippat?
11. Naalackersuisut siunissami piumasaqassappat nunat NATO-mut ilaasortaasut Kalaallit Nunaanni sakkutooqarnissaat NATO-p sinaakkutai erseqqissut tunngavigalugit aamma Kalaallit Nunaanni politikikkut isumasiorneqaaqqarluni pissasoq?
12. Naalackersuisut piumasaqassappat Danmark siunissami nunanit allaneersunit sakkutooqarnikkut Kalaallit Nunaannut qaaqqusisasoq Naalackersuisunik Inatsisartullu ataatsimiititaliaannik tamatumunnga attuumassuteqartumik oqaloqateqartinnani?
13. Naalackersuisut isumaqarpat Arctic Endurance pillugu suliap ingerlanneqarnera Kalaallit Nunaata sillimaniarnermut politikianik aqutsisinnananneranik nukittorsaataanersoq sanngiillisaasorluunniit?
14. Naalackersuisut Inatsisartunut nassuiaatissamik saqqummiussissappat Arctic Endurance qallunaanit siulersorneqarluni sungiusarnerusoq aamma NATO-p Issittumi alapernaarsuiffianut (Arctic Sentry) ilaasoq qanoq assigiinngissuteqarnersut, ilaatigut naalackersuieriaatsip aqqissuussaana, pisinnaatitsissutit, nunat peqataasut aamma Kalaallit Nunaat peqataatinneqarnerat pillugit?
15. Naalackersuisut isumaqarpuata Kalaallit Nunaata isumannaatsuunissaa NATO-p ataaniissasoq, taava sooq Naalackersuisut Danmarkip NATO-p pisortatigut sinaakkutai avaqqullugit, ilaasortaanik qaaqqusinerannik akuersippat?

(Inatsisartunut ilaasortaq Pele Broberg, Naleraq)

### **Tunngavilersuut:**

Naalackersuisut qallunaat Illersornissamut ministereqarfiat januaari 2026-mi nalunaarput Illersornissaqarfiup NATO-mut ilaasortat qanimut suleqatigalugit Kalaallit Nunaanni sungiusarnerujartuinnarnera ingerlaannassasoq. Illersornissaqarfimiittut nalunaarput Arctic Endurance januaarimi aallartissasoq 2026-lu naallugu ingerlanneqassalluni, NATO-milu suleqataasut peqataanissaat pilersaarusiorneqaleruttortoq. Kingusinnerusukkut qallunaat Kalaallit Nunaanni eqqaanilu sungiusarnerat NATO-p Issittumi alapernaarsuineranut (Arctic Sentry) ilanngunneqarpoq.

Taamatuttaaq paasissutissat tamanut ammasut naapertorlugit Arctic Endurance NATO-p sungiusaataatut aallartinneqanngilaq, qallunaalli nunat NATO-mut ilaasortaasut peqataaffigisaattut ingerlanneqarpoq.

Tamanna tunngatigut apeqqusernarpoq Kalaallit Nunaata isumannaallisaanermut politikimut qanoq inissisimaffianik aamma nunanit allaneersut sakkutuui Kalaallit Nunaanniinnissaat pillugu aalajangiinerni Naalackersuisut qanoq inissisimaffeqarnerannik.

Kalaallit Nunaata isumannaatsuunissaa NATO-mi tunngavilerneqassappat, Kalaallit Nunaat qallunaanit siulersorneqarluni immikkut ittumik aaqqissuussinermut atorneqartartussaangilaq, tassani nunat NATO-mut ilaasortaasut aalajangersimasut NATO-p sinaakkutissai erseqqissut malinnagit qaaqqullugit..

Tamanna ingammik ilungersunarpoq, taamaaliorneq akерleriinnerulersitsisinnaagami USA-mut NATO-mut ilaasortaasumut attaveqarnermut tunngatillugu.

Taamaattumik sakkutooqarnikkut sungiusarnerinnaangilaq.

Apeqqutaavorli Naalackersuisut nunatsitta illersorneqarnera Danmarkimiit imaluunniit immikkut ittumik naalackersuisunngortut aqqutigalugit aalajangersakkat Kalaallit Nunaata sillimaniarnera akuerisimaneeraat, imaluunniit Naalackersuisut aalajangiusimassaneeraat Kalaallit Nunaata sillimaniarnera siunissami ersarissumik nunanit assigiinngitsunit isumaqatigiissuteqarluni kalaallillu aalajangeeqataasillugit pissanersut.

Namminersornermut inatsit naapertorlugu Kalaallit Nunaata Danmarkillu attaveqatigiinnerat naligiimmik ataqqeqatigiinnermillu tunngaveqarpoq, kalaallillu inuiaqatigiittut namminneq aalajangiisinnaatitaasut nunat tamalaat akornanni inatsisitigut akuerineqartut.

Nunanit allanit sakkutooqarnissaq Kalaallit Nunaannut qaaqquneqarpata immikkut, isiginiagassaavooq, taamaattumillu Naalackersuisut ilisimasatik, suliassatik akuersisinnaanertillu pillugit erseqqissumik nassuiaasinnaasariaqarput.

Taamaattumik Naalackersuisut nassuiartariaqarpaat pisoq tamanna ilinniutigisimanerlugu, imaluunniit Kalaallit Nunaata sillimaniarnera namminneq oqartussaassuseqarlutik aqunnagu NATO-llu sinaakkutai avaqqullugit ingerlanneqarnera suli akueralugu, soorlutaaq naalackersuisut namminneq kissaatiginerartaraluaaraat.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.